

**ՔԵՄԱԼԱԿԱՆՆԵՐԻ ՀԱՅԱԶԻՆՋ
ՔԱՂԱՔԱԿԱՆՈՒԹՅՈՒՆԸ 1920-1923 թթ.
ԿԱՐԵՆ ԽԱՉԱՏՐՅԱՆ**

Առաջին աշխարհամարտում Թուրքիայի և նրա դաշնակիցների պարտությունը, երիտթուրքերի կառավարության կործանումը, Օսմանյան կայսրության փլուզումը կարծես թե հնարավորություն էին ընձեռելու հայությանը շունչ քաշել, դարձանել 1915-1916թթ. ցեղասպանության վերքերը և ուրիներ որոնել դառնալու սեփական հայրենիքի և ճակատագրի տերը: Մակայն այն մույն ժամանակ, երբ Հայոց ցեղասպանության կազմակերպիչներն ու իրականացնողները դատվում էին թուրքական զինվորական ատյանի կողմից, Թուրքիայում ծավալվում էր Մուստաֆա Բենալի գլխավորած թուրք-ազգայնական շարժումը: Ինչպես հայտնի է՝ քեմալականների զաղափարախոսությունը և ծրագրային նպատակները պաշտոնական ձևակերպումներ ստացան 1919թ. հուլիս-սեպտեմբերին Էրզրումում և Սվազում տեղի ունեցած համաժողովներում:¹ Այդտեղ հնչած ելույթները և ընդունած որոշումները կասկած չէին հարուցում, որ քեմալականները ոչ միայն չեն հրաժարվելու սուլթանական և երիտթուրքերի կառավարությունների հայաջինջ քաղաքականությունից, այլև հանդիսանալու են դրա անմիջական շարունակողը: Դասեր չքաղելով զինվորական տրիբունալի դատավճիռներից, Բենալը համոզում էր, որ պատերազմի տարիներին բազում հալածանքների ենթարկելով մուսուլմաններին, հայերը կոպտորեն վիրավորել են թուրք ժողովրդի արժանապատվությունը: Նման զրպարտանքներով բորբոքելով հայատյաց տրամադրություններ, քեմալականները կոչ արեցին ամեն գնով Թուրքիայի կազմում պահել Արևմտյան Հայաստանը: Բենալը հայտարարում էր, որ ոչ միայն գեթ մի թիզ հող անգամ չեն զիջելու Հայաստանին, այլև կգործադրեն հնարավոր բոլոր միջոցները՝ կամխելու հայկական անկախ պետականության ստեղծումը:

Էրզրումի և Սվազի համաժողովներում քեմալականների մշակած ծրագիրը և նպատակները բանաձևվեցին 1920թ. հունվարի 28-ին Կ. Պոլսում թուրքական ազգային ժողովի մշակած և ընդունած «Թուրքական ազգային ուխտ» կոչվող ծայրահեղ ազգայնամոլական օրենք-փաստաթղթում: «Ուխտը» հռչակում էր, որ «հայկական համայնքի ստեղծումը» կամխելը պետք է լինի յուրաքանչյուր թուրքի սրբազան

14 Եղեղապանության փառապարտություն

գործը: 1920թ. ապրիլի 23-ին, ստանձնելով Անկարայում ձևավորված թուրքական նոր պառլամենտի կազմավորան՝ Կառավարության ղեկավարի պաշտոնը և առաջնորդվելով իր կողմից հնչեցրած «Մենք կապրենք կամ կկործանվենք Ազգային ուխտի հետ միասին» կարգախոսով, Քեմալը կանգնեց Թուրքիայում ոչ թուրք ազգերի բռնաժողովման կամ քնաջնջման ուղու վրա: Այսպիսով, սկսեցին էին տարիներ, փոխվում էին կառավարություններ, փոխվում էր միջազգային իրավիճակը, բայց անփոփոխ էր մնում թուրքերի հայատույզ պետական քաղաքականությունը:

Եղեղապանության փառապարտություն

թյուններ, փոխվում էր միջազգային քուրթերի հայաստյաց պետական քաղաքականությունը։

Իրենց նախորդների սկսած գործն ավարտելու մտադրությամբ՝ քեմալականները շարունակեցին հայ ժողովրդի քնաջնջումը ինչպես թուրքիականացում, այնպես էլ Արևելյան Հայաստանում։ Այդ խնդրում նրանք օգտագործեցին երկոթությունների ձեռք բերած «մեծ փորձը»։ Ինչպես հայտնի է՝ ինքործեցին երկոթությունների ձեռք բերած «մեծ փորձը»։ Ինչպես հայտնի է՝ ինքործեցին երկոթությունների ձեռք բերած «մեծ փորձը»։ Ինչպես հայտնի է՝ ինքործեցին երկոթությունների ձեռք բերած «մեծ փորձը»։

1920թ. գարնանը, քեմալականների անմիջական օգնությամբ Ադրբեյջանի մուսավաթականների բանդաները կազմակերպեցին և իրականացրեցին Շուշիի ավելի քան 30 հազար հայերի սպանողը: Օգտվելով կիլիկիա-հայոթյան նկատմամբ ֆրանսիական կառավարության մեղմ ասած՝ մերժելի քաղաքականությունից, քեմալականները 1920թ. ընթացքում կոտորեցին կամ բռնազաղթեցրին Ուրֆայի, Մարաշի, Սասունի, Այնթափի, Հաճնի, Ջեթունի տասնյակ հազարավոր հայերի:

Հայ ժողովրդի դեմ քեմալականների ոճրագործությունների գագաթնակետը հանդիսացավ նրանց ռազմաբռնական Արևելյան Հայաստան, 1920թ. աշնանը: Օգտվելով միջազգային բարդ իրադրությունից, Խորհրդային Ռուսաստանի բուլշևիկյան իշխանությունների որդեգրած թուրքանպաստ արևելյան քաղաքականությունից, քեմալականներին հաջողվեց հետամուտ լինել պանթուրքիզմի ծրագրերի իրականացմանը: 1920թ. սեպտեմբերի սկզբին Բաքվում իրավիրված Արևելքի ժողովուրդների առաջին համագումարի որոշումներում և այնուհետև՝ «Մերձավոր Արևելքի քաղաքական ներկա պահի մասին» մշակած փաստաթղթում Հայաստանը մեղադրվեց իմպերիալիզմին դաշնակից լինելու մեջ, կոչ արվեց «սրբազան պատերազմ հայտարարել նրան» և քեմալականների օգնությամբ խորհրդայնացնել այն:³ Սրանից մի քանի օր անց քեմալական զորքերը դավադրաբար ներխուժեցին Հայաստան: Այդ նույն ժամանակ (սեպտեմբերի 29-ին) ՌԿ(Բ)Կ Կենտկոմի պլենումը որոշեց «... փողով և զենքով փաստացի օգնություն ցույց տալ քեմալականներին»:⁴ Միանշանակ է՝ եթե չլինեին Հայաստանի խորհրդայնացման բուլշևիկյան ծրագրերը, նրանց աջակցությունը, քեմալականները չէին համարձակվի ներխուժել Արևելյան Հայաս-

տան, ինչպես հրաժարվեցին այդ մտքից 1920թ. ամռանը, հարցը կապելով «թուլշիկյան կառավարության և Թուրքիայի ընդհանուր փոխհարաբերությունների հետ»:⁵

Ինչպես խոստովանում էր Քեմալը, թուրք-հայկական պատերազմում Թուրքիայի նպատակն էր՝ «... ոչնչացնել հայկական բանակն ու հայկական պետությունը»⁶, իսկ թուրքական բանակի Արևմտյան ռազմաճակատի հրամանատար Ալի Ֆուադ Ջեբեալյին սեպտեմբերի 14-ին ուղղված նամակում Քեմալը հուշում էր, որ «պետք է չհրաժարվել նաև Ադրբեջանը Թուրքիային միացնելու մտքից»:⁷ Այսպիսով, ինչպես իրավացիորեն նկատում է ակադեմիկոս Հ. Միմոնյանը, «... քեմալականների թուրքիզմը չէր սահմանափակվում «Նոր Թուրքիայի» շրջանակներով, այն պետք է վերաճեր և, իրոք, վերաճեց պանթուրքիզմի»:⁸

1920թ. թուրք-հայկական պատերազմը, փաստորեն, ավարտվեց Հայաստանի պարտությամբ: Հայոց կազմալուծված ու բարոյալքված բանակի պարտությունները ոչ միայն հանգեցրին թուրքերի կողմից հայկական նորանոր տարածքների՝ Կարսի մարզի, Ալեքսանդրապոլի գավառի բռնագրավմանը, այլև, ինչն առավել ողբերգական էր, հայ ժողովրդի մի ստվար զանգվածի ոչնչացմանը:

Քեմալականների կողմից Արևելյան Հայաստանում իրականացրած վայրագությունների մասին փաստագրական հարուստ նյութեր են պահվում ինչպես Հայաստանի, այնպես էլ օտարերկրյա արխիվներում: Նրանցից շատերը մտցված են գիտական շրջանառության մեջ: Դրանք՝ ինչպես կոտորածներից փրկվածների, ականատեսների ցուցմունքները, խորհրդային իշխանության տարբեր մարմինների կողմից կազմված պաշտոնական զեկուցագրերն ու տեղեկագրերն, այնպես էլ օտարերկրյա անհատ քաղաքացիների և կազմակերպությունների ներկայացուցիչների արժեքավոր վկայություններն են: Բազմաբնույթ փաստաթղթերը կարևոր և անժխտելի ապացույցներ են Արևելյան Հայաստանում 1920-1921թթ. քեմալականների գործադրած ոճրագործությունների մասին:

1920թ. հոկտեմբերի 30-ին մտնելով Կարս, Կարաբեքիր փաշայի քեմալական զորքերն ձեռնամուխ եղան խաղաղ հայ բնակչության կոտորածին: Միաժամանակ իրականացվեցին զանգվածային ձերբակալություններ, պետական և մասնավոր ունեցվածքի կողոպուտ, այլ բռնություններ: Ռազմագերիները և ձերբակալվածները, որոնց թիվը հասնում էր մոտ երեք ու կես հազարի, աքսորվեցին Էրզրում՝ տաժանակիր աշխատանքների. նրանց մեծ մասը ոչնչացվեց ինչպես ճանապարհին, այնպես էլ աքսորավայրերում: Դաժան ճակատագրի արժանացան նաև Կարսում ամերիկյան «Մերձավոր Արևելքին օգնության» կազմակերպության խնամքի տակ գտնվող 6 հազար որբ հայ երեխաները: Նրանց միայն չնչին մասը մնաց Հայաստանում: Փոխարենը՝ Էրզրումից Կարս տեղափոխվեցին 2 հազար թուրք որբեր: Ընդհանուր առմամբ Կարսում և նրա շրջանում կոտորվեցին շուրջ 15 հազար հայեր: Նշենք, որ բռնությունների ենթարկվեցին նաև Կարսի շրջանի մալականների տասնյակ գյուղեր, մի շարք օտարերկրյա քաղաքացիներ: Հետաքրքիր են դրանցից մեկի՝ ռումինացի Վասիլի Իոնեսկոյի (որը մեկ ամիս գտնվելով թուրքական գերությունում անձամբ էր կրել վերջինիս դաժանությունները) վկայությունները: Վրաստանում ՀՄԽՀ ներկայացուցչությանն ուղղված զրոյությունում տուժողի աչքերով ներկայացնելով քեմալականների վայրագությունները, Իոնեսկոն, մասնավորապես,

վկայում է. «Քաղաքում ահավոր սպանող էր տիրում, իմ աչքի առջև մի խումբ կանայք, խուսափելով ձերբակալությունից, նետվեցին Կարսաչայ գետը: Ձերբակալվածներին օրերով ոչ միայն հաց, անգամ ջուր չէին տալիս, ամբողջովին մերկացրել էին, եղան տղամարդկանց բռնաբարության վաղեմությունները: Արտորի ճանապարհին ձերբակալվածները ենթարկվում էին գանգազան խոշտանգումների: Ազատվելուց հետո Կարսում դոկտոր Նուրի-բեյին տեղեկացա, որ քաղաքում կոտորվել է 8 հազար հայ, բայց իմ դիտարկումներով՝ մոտ 8-10 հազարից ոչ պակաս: Գրեթե բոլոր կանայք բռնաբարված և վարակված էին, շատերը սովամահ էին լինում, թալանված էր ամեն ինչ, հայերի բռնագրավված խանութներում առևտուր էին անում թուրքերը»:

Քեմալականների վայրագություններն առավել մեծ չափերի հասան Ալեքսանդրապոլում (Գյումրի) և գավառում: Ձիմագրավման առաջին իսկ օրերից թուրքերն անցան բնակչության կազմակերպված կոտորածին ու ձերբակալություններին: Միաժամանակ սկսվեց շրջանի պետական ունեցվածքի թալանը և տեղափոխումը Թուրքիա: Դրան հետևեց մասնավոր ամձանց թալանը՝ թաղ առ թաղ, տուն առ տուն: Դիմադրողները տեղն ու տեղը սպանվում էին: Առանձնակի ատելության և դաժանության էին արժանանում Ալեքսանդրապոլում ապաստան գտած արևմտահայ գաղթականները, որոնց թուրքերն արհամարհանքով անվանում էին «մեցի աղամ (մարդ)»: Գավառում գործում էին թուրք կառավարիչներին ծառայող գործակալների հատուկ խմբեր (հիմնականում Ադրաբայի թաթարներ), որոնց կազմած ցուցակներով ձերբակալվում և խոշտանգվում էին քիչ թե շատ ունևոր հայեր: Հարկ է նշել, որ տեղացի թաթարներն ակտիվ մասնակցում էին հայերի սպանությանն ու թալանին և իրենց դաժանությամբ շատ դեպքերում գերազանցում քեմալականներին:


Ալեքսանդրապոլի գավառում թուրքերի իրականացրած ոճրագործությունների ահավոր պատկերը քաջահայտվեց 1921թ. գարնանը, երբ Խորհրդային Ռուսաստանի իշխանությունների և Կարմիր բանակի իրամասնատարության սպանության վերջնագրերը ստիպեցին քեմալականներին ընդմիջել հեռանալ գավառից: Քաղաքը և գավառը իսկական դժոխքի էին վերածվել, ամենուրեք երևում էին թուրքերի վեցամսյա զինագրավման զարհուրելի հետքերը: Գավառի գրեթե բոլոր գյուղերի արվարձաններում հայտնաբերվեցին հազարավոր հայերի դիակներ. դրանցից շատերը ահավոր խոշտանգված էին: ՀՍԽՀ պետական հանձնաժողովի 1921թ. մայիսի 11-ի արձանագրությամբ՝ միայն Ղաթաղչի, Աղբուլաղ և Ղարաբոյա գյուղերի շրջանում հայտնաբերվել էր շուրջ 12 հազար դիակ, մեծ մասը կանայք և երեխաներ: Նույն պատկերն էր մահ Ալեքսանդրապոլում: Թուրքերի գազանությունների մասին Քաղաքային Դումայի զեկուցագրերից մեկում նշվում է, որ հատկապես մեծ թվով սպանվածներ են գտնվել քաղաքի կայագրի պետի, պարեսի, ոստիկանապետի ապրած տների մոտակայքում:¹⁰ Սա վկայում է, որ հայերի կոտորածը կրում էր կազմակերպված բնույթ և արտոնված էր քեմալական ղեկավարության կողմից: Ընդհանուր առմամբ Ալեքսանդրապոլի գավառի զինագրավված շրջաններում պետական հանձնաժողովի մոտավոր պաշտոնական տվյալների համաձայն 1920թ. մայիսի 1 - 1921թ. ապրիլի ամիսներին քեմալականները սպանել էին 30 հազար տղամարդ, 25 հազար կին և աղջիկ, 5 հազար երեխա, սովամահ է եղել ավելի քան 30 հազար մարդ, գերության ընկել՝ 25 հազարը, որոնց

գզալի մասը ոչնչացվել է, բռնաքարվել է շուրջ 50 հազար կին և աղջիկ, իսկ հասցրած նյութական վնասը կազմել է մոտ 20 մլն. ռուբլի ոսկով:¹¹

Ահա թե ինչպիսի ծանր հետևանքներ ունեցավ Հայաստանի պարտությունը 1920թ. թուրք-հայկական պատերազմում: Պետք է խոստովանել, որ քեմալականների՝ Արևելյան Հայաստանում կատարած ոճրագործությունները մման ահռելի չափերի չէին հասնի, եթե Հայաստանի դաշնակցական կառավարությունը և հայկական հրամանատարությունը ժամանակին հոգաին Կարսի և Ալեքսանդրապոլի շրջանների հայ բնակչության էվակուացիայի մասին, նահանջելու հնարավորություն ընձեռեին: Արխիվային շատ փաստաթղթերում անթաքույց արդարացի մեղադրանքներ են ներկայացվում իշխանություններին, որոնք բախտի քնահաճույքին թողեցին խաղաղ բնակչությանը: Մեղքի իրենց բաժինն ունեին նաև կոմունիստ հայերը, Հայաստանի նոր՝ խորհրդային իշխանությունները: Նրանք մախ համոզում էին, որ քեմալականներին դիմադրել հարկավոր չէ, որ նրանք զալիս են ժողովրդին փրկելու դաշնակներից, իսկ այնուհետև՝ Ալեքսանդրապոլում ստեղծեցին Հեղկոմ, որը կոչված էր «թուրք բուլշևիկների» հետ համատեղ ապահովել օրինականությունը և բնակչության անվտանգությունը: Բայց Հեղկոմը լիովին անգոր էր և արհամարանքի, ավելին՝ բռնությունների էր ենթարկվում քեմալականների կողմից: Հեղկոմը շատ շուտով համոզվելով, որ քեմալականները ոչնչով չեն տարբերվում, անգամ գերազանցում են երիտթուրքական դահիճներին, այդ մասին բազմիցս տեղեկացնում էր Խորհրդային Հայաստանի իշխանություններին: Վերջիններս էլ շտապում էին քեմալականների ոճրագործությունների մասին ահազանգել Մոսկվա և Անգորա: Սակայն բոլոր դիմումները, նոտաները, պահանջները որևէ ազդեցություն չունեցան. դա խոստովանում էին անգամ բուլշևիկների առաջնորդները՝ զարմանքով արձանագրելով, որ Հայաստանի խորհրդայնացումը որևէ փոփոխություն չնտցրեց քեմալականների հայաջինը քաղաքականության մեջ: Մինչդեռ հայ ժողովուրդը համոզված էր, որ «Հայաստանում խորհրդային իշխանության հաստատման փաստն իսկ սթափեցնող ներգործություն կունենա Քեմալի վրա, - նշվում է արևմտահայ մի խումբ զաղթականների դիմումում Մոսկվա՝ Լենինին, Ստալինին, - սակայն մա շարունակում է ավերել նաև Խորհրդային Հայաստանը, իսկ նրա իշխանություններին հաշվի չի առնում և արհամարում է»: Գաղթականները հույս էին հայտնում, որ Ռուսաստանը վճռական քայլերի կդիմի և կփրկի Խորհրդային Հայաստանը հետագա ավերումից:¹² Բայց գործը դիվանագիտական ճնշումներից այն կողմ չանցավ:

Այսուհանդերձ, պետք է նշել նաև, որ Հայաստանի խորհրդայնացումը կանխեց քեմալականների չքացառված ներխուժումը Արարատյան դաշտավայր և Հայաստանի խորքերը, չէ որ սկսելով պատերազմը քեմալականները ծրագրել էին ինչպես քաղաքականորեն, այնպես էլ փաստացի ոչնչացնել Հայաստանը:

Քեմալականների վայրագությունները հայ ժողովրդի նկատմամբ շարունակվում էին: Հայաստանում ՌԱՖԽՀ ներկայացուցիչ Լեգրանին 1921թ. ամռան սկզբին հղած հեռագրում ՀՍԽՀ արտգործնախարար Մոսկվանը հուշում է, որ Կարսից ստացված տազնապալի տեղեկությունների համաձայն, թուրքական իշխանությունները շարունակում են հայերի բնաջնջման հին քաղաքականությունը, հայ բնակչության մնացորդները արքտրվում են Թուրքիայի խորքերը: Մոսկվանը խնդրում է միջոցներ ձեռ-



նաշխել՝ կանխելու հայերի բնաջնջումը:¹³ Երևանում Թուրքիայի գլխավոր հրամանատարության ներկայացուցչին հունիսի 14-ին ուղղված գրությամբ Միավանը տազմապ է հայտնում, որ բուրքական զինվորական մասերը հարձակումներ են իրականացնում Արփաչայի ձախ ափին գտնվող ՀՍԽՀ մի շարք գյուղերի վրա. թալանում և ավերում դրանք, քանդում են Արփաչայի վրա գտնվող կամուրջը և այլն:¹⁴ Դիմումներն, իհարկե, որևէ արդյունք չտվեցին:

Քեմալականների հայաջինջ քաղաքականությունը, այդ ժամանակաշրջանում, շարունակվում էր մաև Թուրքիայում: Թուրք-հունական պատերազմի վերջին փուլում, հասնելով ռազմական չոչափելի արդյունքների, քեմալականները Թուրքիայի արևմտյան շրջաններում կոտորեցին տասնյակ հազարավոր հայերի և հույների: Առավել սահմուկեցուցիչ էին Իզմիրի (Ձմյուռնիայի) ողբերգական իրադարձությունները: 1922թ. սեպտեմբերի 9-ին մտնելով քաղաք, քեմալական զորքերը և տեղի թուրք խաժամուժը սկսեցին խաղաղ հայ և հույն բնակչության սպանող և թալանը: Չգտելով սկսեցին խաղաղ հայ և հույն բնակչության սպանող և թալանը: Չգտելով բացքներ վայրագությունների հետքերը, քեմալականները սեպտեմբերի 13-ին կանխամտածված իրդեհեցին քաղաքը, որի արդյունքում ոչնչացվեցին հազարավոր աներ, տասնյակ եկեղեցիներ, դպրոցներ, հիվանդանոցներ, այլ շինություններ: Հայերի և հույների կոտորածներ տեղի ունեցան և Իզմիրի արվարձաններում և նավահանգստում, որտեղ թուրքերը սառնասրտորեն խորտակեցին հազարավոր քրիստոնյա փախստականներով լցված նավերը: Եվ այդ ամենը կատարվեց եվրոպական ռուզմանավերի անձնակազմերի աչքի առջև, որոնք որևէ փորձ չձեռնարկեցին օգնության հասնելու մահվան դատապարտվածներին:¹⁵

Իզմիրի ողբերգական իրադարձությունները և քեմալական զորքերի հետագա առաջխաղացումը դեպի Կ. Պոլիս լուրջ անհանգստություն էին պատճառել Խորհրդային Հայաստանի ղեկավարությանը, քանզի Թուրքիայի մայրաքաղաքում ծայրահեղորեն սրվել էին ազգամիջյան հարաբերությունները, որոնք կարող էին հանգեցնել տեղի հայ բնակչության կոտորածին: Չգտելով Խորհրդային Ռուսաստանի ղեկավարության միջոցով կանխել դեպքերի ինարավոր նման զարգացումը, 1922թ. հոկտեմբերի 11-ին Մոսկվա՝ Լենինին և Ստալինին հղած հեռագրում Հայկոմկուսի Կենտկոմի քարտուղար Աշոտ Հովհաննիսյանը հուշում էր. «Բոլոր տվյալներով հայերի զանգվածային կոտորածները և ջարդերը ամխուսավորի են: Նպատակահարմար ենք գտնում բարեկամական ներգործություն ունենալ Անգորայի կառավարության վրա՝ կոտորածների և ջարդերի կանխման, անհրաժեշտության դեպքում՝ Խորհրդային Դաշնության սահմաններում փախստականների ընդունման և հանգրվանելու համար»:¹⁶ Սրան հետևեց նաև ՌԿ(բ)Կ Անդրերկրկոմի քարտուղար Ալեքսանդր Մյասնիկյանի հոկտեմբերի 16-ի հեռագիրը Մոսկվա՝ Լենինին, Ստալինին և Զիչերինին: Տեղեկացնելով Թուրքիայում բնակվող հայերի բշվառ վիճակի մասին և հուշելով, որ Կ. Պոլսի 150 հազարանոց հայ բնակչության և Թրակիայի 50 հազարանոց հայ զաղուրի մեջ տիրում է վախ և խիստ լարվածություն, իսկ շատերը խուճապահար լրում են քաղաքը, Մյասնիկյանը Ռուսաստանի Իշխանություններից խնդրում է միջոցներ ձեռնարկել պաշտպանելու Կ. Պոլսի և ընդհանրապես, Թուրքիայի հայության կյանքն ու արժանապատվությունը, Լոզանի կոնֆերանսում հանդես գալ հայերի պաշտպանությամբ և ինարավորություն տալ նրանց վերաբնակվել Անդրկովկասում և Ռու-

սաստանդի դաշնությունում:¹⁷ Ինչպես հայտնի է՝ Լոզանի միջազգային կոնֆերանսում ՌՄՖՆՀ պատվիրակության ղեկավար Գ. Չիչերինը, իրոք, հանդես եկավ նման հայտարարությամբ:

Այսպիսով, այն՝ ինչ իրականացրեցին քեմալականները Կիլիկիայում, Թուրքիայում և Արևելյան Հայաստանում 1920-1923թթ. հնարավոր չէ որակել այլ կերպ, քան հայ ժողովրդի ծրագրված, պետականորեն կազմակերպած և իրականացրած ցեղասպանություն, որի հետևանքով կոտորվեցին կամ սովից ու համաճարակներից մահացան շուրջ կես միլիոն հայեր, հարյուր հազարավորներ տեղահանվեցին իրենց հայրենի օջախներից, հայ ժողովրդին հասցվեց ահռելի նյութական և բարոյահոգեբանական վնաս: Ի հետևանք դրա՝ ինչպես հայտնի է քեմալականներին հաջողվեց ոչ միայն Թուրքիայի կազմում պահել Արևմտյան Հայաստանը, այլև Մոսկվայի և Կարսի ոչօրինական պայմանագրերով հայ ժողովրդից բռնազավթել նրա պատմական տարածքների արևելյան մի մասը, իսկ այնուհետև՝ Լոզանի միջազգային կոնֆերանսում, արևմտաեվրոպական դիվանագիտության հանդուրժողականությամբ՝ տապալել և երկար ժամանակներով գերեզմանել Հայկական հարցի արդարացի լուծումը:

ԾԱՆՈԹԱԳՐՈՒԹՅՈՒՆՆԵՐ

¹ Քեմալական շարժման ձևավորման մասին մանրամասն տե՛ս Ավագյան Ա. Հայոց ցեղասպանության գործոնը քեմալական շարժման ձևավորման մեջ, Երևան, 2000, էջ 101-107, «Հայկական հարց», մատենաշար, թիվ 1:

² Документы внешней политики СССР, т. 2, Москва, 1958, с. 725-726.

³ ՀՀ ՆՊ ԿՊԱ, ֆ. 113, ց. 3, գ. 7,թ. 1-3:

⁴ ՀՀ ՀԶԿՓ ԿՊԱ, հավաքածու թիվ 1, գ. 2, թ. 106:

⁵ Տե՛ս Աղայան Ծ. Պ. Հոկտեմբերը և հայ ժողովրդի ազատագրական պայքարը, Երևան, 1982, էջ 321:

⁶ Кемаль М. Путь новой Турции, т. 3, Москва, 1932, с. 102.

⁷ Տե՛ս Սիմոնյան Հր. Ռ. Թուրք ազգային քուրժուագիայի գաղափարաբանությունը և քաղաքականությունը, Երևան, 1986, էջ 511:

⁸ Տե՛ս նույն տեղում:

⁹ Տե՛ս Ներսիսյան Մ. Գ. Պատմության կեղծարարները, Երևան, 1998, էջ 308-310:

¹⁰ ՀՀ ՆՊ ՊԿԱ, ֆ. 144, ց. 3, գ. 45, թ. 7:

¹¹ Նույն տեղում, ֆ. 114, ց. 1, գ. 131, թ. 1:

¹² Նույն տեղում, ց. 2, գ. 35, թ. 34:

¹³ Տե՛ս Ներսիսյան Մ. Գ. նշվ. աշխ., էջ 318:

¹⁴ ՀՀ ՆՊ ԿՊԱ, ֆ. 114, ց. 1, գ. 21, թ. 82:

¹⁵ Տե՛ս Housepian M. The Smyrna Affair N. Y., 1971: Տե՛ս նաև Саакян Р. Г. Франко-турецкие отношения и Киликия в 1918-1923 гг., Ереван, 1986:

¹⁶ РГАСПИ, ф. 5, оп. 2, л. 92, л. 43.

¹⁷ Նույն տեղում, գ. 108, թ. 5:

Резюме

Кемалистская политика истребления армян в 1920-1923 гг.

Карен Хачатрян

С начала 1919г. в Турции разрасталось турецкое национальное движение под руководством М. Кемала. Программные заявления кемалистов наглядно показывали, что кемалисты станут на путь истребления или насильной ассимиляции не-турецкого населения Турции. По отношению армянского народа кемалисты стали непосредственными продолжателями политики геноцида армян османского и младотурецкого правительств Турции.

В 1920-1923гг. кемалистами были осуществлены массовые истребления армян в Киликии и Измире, в Александропольском, Кареском, Ахалкалакском уездах и в городе Шуши. В результате турецких злодеяний было истреблено, погибло от холода, голода и эпидемий около полутора миллиона армян; угнано в плен, ассимилировано, насильно депортировано из родных очагов сотни тысяч армян. Все это не оставляет сомнений для квалифицированного злодеяний кемалистов как политически спланированный и осуществленный геноцид армянского народа.

Summary

The Kemalist Policy of Extermination of Armenians in 1920-1923.

Karen Khachatryan

From the beginning of 1919 Turkish national movement under the leadership of M.Kemal was growing in Turkey. The programme statements of the Kemalists showed that they would go along the path of extermination and violent assimilation of non-turkish population of Turkey. In connection with the Armenian people the Kemalists were direct successors of the policy of genocide by the Ottoman and Young Turkish governments of Turkey.

In 1920-1923 the Kemalists organized massacres of Armenians in Kilikia and Izmir, in Alexandropol, Kars, Akhalkalak districts and in Shoushy in Armenia. As the result of Turkish atrocities about half a million of Armenians were slaughtered, died from cold, hunger and epidemics, hundreds of thousands Armenians were captivated, assimilated, deported by force from their native places.

All these don't leave a shadow of doubt for the Kemalists' atrocities as politically planned and accomplished genocide.